

增壹阿含經卷第二十四

馨四

行秦建元年三藏曇摩難提譯

善聚品第三十二

聞如是一時佛在舍衛國祇樹給孤獨園爾

時世尊告諸比丘我今當說善聚汝等善思  
念之諸比丘對曰如是世尊諸比丘從佛受

教世尊告曰彼云何名爲善聚所謂五根是  
也云何爲五所謂信根精進根念根定根慧  
根是謂比丘有此五根若有比丘修行五根  
者便成須陀洹得不退轉法必成至道轉進  
其行成斯陀含而來此世盡其苦際轉進其  
道成阿那含不復來此世即彼取般涅槃轉

進其行有漏盡成無漏心解脫智慧解脫自  
身作證而自遊戲生死已盡梵行已立所作  
已辦更不復受胎如實知之言善聚者即五  
根是也所以然者此最大聚衆聚中妙若不  
行此法者則不成須陀洹斯陀含阿那含阿  
羅漢辟支佛及如來至真等正覺也若得此

五根者便有四果三乘之道言善聚者此五  
根爲上是故諸比丘當求方便行此五根如  
是諸比丘當作是學爾時諸比丘聞佛所說  
歡喜奉行

聞如是一時佛在舍衛國祇樹給孤獨園爾  
時世尊告諸比丘我今當說不善之聚汝等  
當善思念之諸比丘對曰如是世尊爾時諸  
比丘從佛受教世尊告曰彼云何名爲不善  
聚所謂五蓋云何爲五貪欲蓋瞋恚蓋睡眠  
蓋調戲蓋疑惑是謂名爲五蓋欲知不蓋聚  
者此名爲五蓋所以然者比丘當知若有此  
五蓋便有畜生餓鬼地獄之分諸不善法皆

自此起是故諸比丘當來方便滅貪欲蓋瞋  
恚蓋睡眠蓋調戲蓋疑惑如是諸比丘當作  
是學爾時諸比丘聞佛所說歡喜奉行

聞如是一時佛在舍衛國祇樹給孤獨園爾  
時世尊告諸比丘承事禮佛有五事功德云  
何爲五一者端正二者好聲三者多財饒寶

四者生長者家五者身壞命終生善處天上  
所以然者如來無與等也如來有信有戒有  
聞有慧有善色成就是故成就五功德復以  
何因緣禮佛而得端正以見佛形像已發歡  
喜心以此因緣而得端正復以何因緣得好  
音聲以見如來形像已三自稱号南無如來

聲四

四

至真等正覺以此因緣得好音聲復以何因  
緣多財饍寶緣彼如來而作大施散華然燈  
及餘所施之物以此因緣獲大財寶復以何  
因緣生長者家若見如來形已心無染著右  
膝著地長跪又手至心禮佛以此因緣生長  
者家復以何因緣身壞命終生善處天上諸

佛世尊常法諸有衆生以五事因緣禮如來  
者便生善處天上是謂比丘有此五因緣禮  
佛功德是故諸比丘若有善男子善女人欲  
禮佛者當求方便成此五功德如是諸比丘  
當作是學爾時諸比丘聞佛所說歡喜奉行  
聞如是一時佛在舍衛國祇樹給孤獨園爾

時世尊告諸比丘如獨屋舍有兩門相對有  
人在中住復有人在上住觀其下出入行來  
皆悉知見我亦如是以天眼觀衆生之類生  
者終者善趣惡趣善色惡色若好若醜隨行  
所種皆悉知之若復有衆生身行善口行善  
意行善不誹謗賢聖行等見法與等見相應  
身壞命終生善處天上是謂名衆生行善者  
復有衆生行此善法不造惡行身壞命終來  
生人中若復有衆生身口意行惡造不善行  
命終之後生餓鬼中或復有衆生身口意行  
惡誹謗賢聖與邪見相應命終之後生畜生  
中或復有衆生身口意行惡造不善行誹謗

聲四

三

賢聖命終之後生地獄中時獄卒將此罪人  
示閻羅王並作是說大王當知此人前世身  
意行惡作諸惡行已生此地獄中大王當觀  
此人以何罪治是時閻羅王漸與彼人私問  
其罪告彼人曰云何男子汝本前世爲人身  
時不見人有生者得作人身處胎之時極爲

困厄痛實難處及其長大將養乳哺沐浴身體耶是時罪人報曰實見大王閻羅王曰云何男子汝自不知生法之要行耶身口意法修諸善趣罪人報曰如是大王如大王教但爲愚惑不別善行閻羅王曰如卿所說其事不異亦復知卿不作身口意行但爲今日當究汝放逸罪行非父母爲亦非國王大臣之所爲也本自作罪今自受報是時閻羅王先問其罪約勅治之次復第二天使問彼人曰汝本爲人時不見老人形體極劣行步枯竭衣裳垢坌進上戰掉氣息呻吟無復少壯之心是時罪人報曰如是大王我已見之間羅王報曰汝當自知我今亦有此形老之法爲老所歟當修其善行罪人報曰如是大王爾時實不信之間羅王報曰我實知之汝不作身口意行今當治汝使後不犯汝所作惡非父母爲亦非國王大臣人民所造汝今自造其罪當自受報是時閻羅王以此第二天

使約勅已復以第三天使告彼人曰汝前身作人時不見有病人平卧在屎溺之上不能自起居罪人報曰如是大王我實見之間羅王曰云何男子汝不自知我亦當有此病不免此患罪人報曰實爾大王我實不見之間羅王曰我亦知之愚惑不解我今當處汝罪使後不犯此之罪行非父非母爲亦非國王大臣之所造作是時閻羅王以此教勅已復以第四天使告彼人曰云何男子身如枯木風去火冷而無情想五親圍遶而號哭罪人報曰如是大王我已見之間羅王曰汝何故不作是念我亦當不免此死罪人報曰實爾  
卷四

大五我實不覺閻羅王曰我亦信汝不覺此法今當治汝使後不犯此不善之罪非父非母爲亦非國王大臣人民所造汝本自作今自受罪是時閻羅王復以第五天使告彼人曰汝本爲人時不見有賊壁牆破舍取他財寶或以火燒或道路隱藏設當爲國王所擒

得者或截手足或取殺之或閑著牢獄或反縛詣市或使負沙石或取倒懸或攢箭射或以融銅而灌其身或以火炙或剥其皮還使食之或開其腹以草塞之或以湯中煮之或以刀斫輪轢其頭或以象脚踏殺或著標頭乃至於死罪人報曰我實見之間羅王曰汝何故私盜他物情知有事何爲犯之間羅王曰我亦信汝所言今當治汝罪使後不犯此之罪者非父母爲亦非國王大臣人民所爲自作其罪還自受報是時聞羅王以問罪已便勑獄卒速將此人往著獄中是時獄卒受王教令將此罪人往著獄中地獄左側極爲火然鐵城鐵郭地亦鐵作有四城門極爲巍處如似屎溺所見漆汙刀山劍樹圍遶四面復以鐵疏籠而覆其上爾時世尊便說此偈

四壁四城門 廣長實爲牢 鐵籠之所覆求出無有期 彼時鐵地上 火然極爲熾

馨四

五

壁方百由旬 洞然一種色 中央有四柱  
覩之實恐畏 及其劔樹上 鐵觜鳥所止  
是處實難居 覩之衣毛豎 種種之畏器  
鬲子有十六

比丘當知是時獄卒以若干苦痛打此人若彼罪人舉腳著獄中時血肉斯盡唯有骨在

是時獄卒將此罪人復以利斧破其形體苦痛難計求死不得要當罪滅之後乃爾得脫彼於人間所作罪業要使除盡後乃得出是時彼獄卒將此罪人緣刀劍樹或上或下是時罪人以在樹上便爲此鐵觜鳥所食或啄其頭取腦食之或取手腳打骨取髓然罪未畢若罪畢者然後乃出是時獄卒取彼罪人使抱熱銅柱坐前世時喜婬泆故致此罪爲罪所追終不得脫是時獄卒從腳根拔筋乃至項中而前挽之或使車載或進或退不得自在其中受苦不可稱計要當使罪滅然後乃出是時獄卒取彼罪人著火山上驅使

上一下是時極爲爛盡然後乃出是時罪人由此因緣求死不得要當使罪除盡然後乃出是時獄卒復取罪人拔其舌擲著背後於中受苦不可稱計求死不得是時獄卒復取罪人著刀山上或斷其腳或斷其頭或斷其手

要當使罪滅然後乃出是時獄卒復以熱火鐵鎄覆罪人身如生時著衣當時苦痛毒爲難處皆由貪欲之故故致斯罪是時獄卒復使罪人五種作役驅令偃卧取其鐵釘釘其手足復以一釘而釘其心於中受斯苦痛實不可言要當使罪滅然後乃出是時獄卒復取罪人顛倒其身舉著鏤中時身下至皆悉

往趣門門自然開是時彼人皆悉倒地於中受苦不可具稱或時各各自稱怨債我由汝等不得出門爾時世尊便說此偈愚者常喜悅亦如光音天智者常懷憂如似獄中囚

是時大地獄中經歷百千萬歲北門復開是時罪人復向北門門便復閂要當使罪滅然後乃出是時彼罪人復經數百萬歲乃復得出人中所作罪要當使畢是時獄卒復取罪人以鐵斧破罪人身經爾許之罪使令更之要當使罪苦畢盡然後乃出比丘當知或復有時彼東門復更一開是時彼衆生復詣東門門復自開而不得出設復得出外復有大山而往趣之彼入山中爲兩山所壓猶如壓如大金而煮小豆或上或下令此罪人亦復如是現亦爛不現亦爛於中受苦不可稱計要當受罪畢然後乃出比丘當知或復有時彼地獄中經歷數年東門乃開是時罪人復

是時罪人復入此刀劍地獄中便有大風起壞此罪人身體筋骨於中受苦不可稱計要當罪滅然後乃出次復有大熱灰地獄是時罪人復入此大熱灰地獄中形體融爛受苦無量要當使罪滅然後乃出是時罪人雖得出此熱灰地獄復值刀劍地獄縱廣數千萬

七  
馨四

里是時罪人入此刀劍地獄中於中受苦不可稱計要當使罪滅然後乃出次復有沸屎地獄中有細蟲入骨徹髓食此罪人雖得出此地獄前值獄卒是時獄卒問罪人曰卿等欲何所至爲從何來罪人報曰我等不知所從來處亦復不知當何所至但我等今日極爲飢困意欲須食獄卒報曰我等當相供給是時獄卒取罪人仰卧取大熱鐵丸使罪人吞之然罪人受苦不可稱計是時熱鐵丸從口下過腸胃爛盡受苦難量要當使罪滅然後乃出然彼罪人不堪受此苦痛還復入熱屎地獄刀劍地獄大熱灰地獄還來經爾許

地獄是時彼衆生不堪受苦還迴頭至熱屎地獄中是時獄卒語彼衆生曰卿等欲何所至爲從何來罪人報曰我等不能自知爲從何所來今復不知當何所至獄卒問曰今須何物罪人報曰我等極渴欲須水飲是時獄卒取罪人仰卧融銅灌口使令下過於中受罪不可具計要當使罪滅然後乃出是時彼人不堪受此苦受入沸屎地獄劍樹地獄熱灰地獄還入大地獄中比丘當知爾時罪人苦痛難可稱計設彼罪人眼見色者心不愛樂設復耳聞聲鼻覩香舌知味身更細滑意知法皆起瞋恚所以然者由本不作善行之報恒作惡業故致斯罪是時閻羅王勑彼罪人曰卿等不得善利昔在人中受人中福身口意行不與相應亦不惠施仁愛利人等利以是之故今受此苦此之惡行非父母爲亦非國王大臣之所爲也諸有衆生身口意清淨無有玷汙如似光音天諸有衆生作諸惡

行如似地獄中卿等身口意不淨故致斯罪  
比丘當知閻羅王便作是說我當何日脫此  
苦難於人中生以得人身便得出家剃除鬚  
髮著三法衣出家學道閻羅王尚作是念何  
況汝等今得人身得作沙門是故諸比丘當  
常念行身口意行無令有缺當滅五結修行

聲四八

五根如是諸比丘當作是學爾時諸比丘聞  
佛所說歡喜奉行

聞如是一時佛在舍衛國東苑鹿母園中與  
大比丘衆五百人俱是時世尊七月十五日  
於露野地敷坐諸比丘僧前後圍遶佛告阿  
難曰汝今於露地速擊捷推所以然者今七  
月十五日是受歲之日是時尊者阿難右膝  
著地長跪叉手便說此偈

淨眼無與等 無事而不練 智慧無染著  
何等名受歲

爾時世尊復以偈報阿難曰

受歲三業淨 身口意所作 兩兩比丘對

自陳所作短 還自稱名字 今日衆受歲  
我亦淨意受 唯願原其過

爾時阿難復以偈問其義曰

過去恒沙佛 辟支及聲聞 盡是諸佛法  
獨是釋迦文

爾時佛復以偈報阿難曰

恒沙過去佛 弟子清淨心 皆是諸佛法  
非今釋迦文 辟支無此法 無歲無弟子  
獨逝無伴侶 不與他說法 當來佛世尊  
恒沙不可計 彼亦受此歲 如今瞿曇法  
是時尊者阿難聞此語已歡喜踊躍不能自  
勝即昇講堂手執捷推並作是說我今擊此

九

如來信鼓諸有如來弟子衆者盡當普集爾  
時復說此偈

降伏魔力怨 除結無有餘 露地擊捷推  
比丘聞當集 諸欲聞法人 度流生死海  
聞此妙響音 盡當雲集此

爾時尊者阿難以擊捷推至世尊所頭面禮

足在一面住白世尊言今正是時唯願世尊何所勑使是時世尊告阿難曰汝隨次坐如來自當知時是時世尊坐于草座告諸比丘汝等盡當坐于草座諸比丘對曰如是世尊時諸比丘各坐草座是時世尊嘿然觀諸比丘已便勑諸比丘我今欲受歲我無過咎於衆人乎又不犯身口意如來說此語已諸比丘嘿然不對是時復再三告諸比丘我今欲受歲然我無過於衆人乎是時尊者舍利弗即從座起長跪叉手白世尊言諸比丘衆觀察如來無身口意過所以然者世尊今日不度者度不脫者脫不般涅槃者令般涅槃無

見慧成就勇悍能忍所說知惡之爲非法心性庠序不行卒暴猶如轉輪聖王最大太子當紹王位轉於法輪舍利弗亦如是轉於無上法輪諸天世人及龍鬼魔若魔天本所不轉汝今所說常如法義未曾違理是時舍利弗白佛言此五百比丘盡當受歲此五百人

馨四

十

盡無咎於如來乎世尊告曰亦不責此五百比丘身口意行所以然者此舍利弗大衆之中極爲清淨無有瑕穢今此衆中最小下坐得須陀洹道必當上及不退轉法以是之故我緣如來無咎於衆人亦無身口意過是時舍利弗白世尊言我今向如來自陳然無咎於

任欲有所論世尊告曰欲有所說今正是時多耆奢即於佛前嘆佛及比丘僧而說此偈十五清淨日五百比丘集諸結縛悉解無愛更不生轉輪大聖王羣臣所圍遶普遍諸世界天上及世間大將人中尊爲人作導師弟子樂徒衆三達六通徹皆是真弟子無有塵垢者能斷欲愛刺今日自歸命

爾時世尊可多耆奢所說是時多耆奢作是念如來今日可我所說歡喜踊躍不能自勝即從座起禮佛却退還就本位爾時世尊告諸比丘我聲聞中第一造偈弟子所謂多耆奢比丘是所說無疑難亦是多耆奢比丘是也爾時諸比丘聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱爾時三十三天有一天子身形有五死瑞應云何爲五一者華冠自萎二者衣裳垢坌三者腋下流汗四者不樂

我那得不愁憂我今天身清淨無瑕穢光踰日月靡所不照捨此身已當生羅闥城中豬腹中生生恒食屎死時爲刀所割是時釋提桓因語彼天子言汝今可自歸佛法衆若當爾時便不墮三惡趣是時天子報言豈當以歸三尊不墮三惡趣乎釋提桓因曰如是天子具有自歸三尊者終不墮三惡趣也如來亦說此偈

諸有自歸佛 不墮三惡趣 盡漏處天人  
便當至涅槃

爾時彼天問釋提桓因今如來竟爲所在釋提桓因曰今如來在摩竭國羅闥城中迦蘭陀竹園所與大比丘五百人俱天子報言我今無有此力可得至彼觀省如來釋提桓因報言天子當知右膝著地長跪又手向下方界而作是說唯願世尊善觀察之今在垂窮之地願矜愍之今自歸三尊如來無所著是時彼天子隨釋提桓因言即便長跪向下

方自稱姓名自歸佛法衆盡其形壽爲真佛子非用天子如是至三說此語已不復處猪胎乃當更生長者家是時彼天見此緣已即向釋提桓因而說此偈

善緣非惡緣 爲法非爲財 導引以正道  
此者尊所嘆 蒙尊不墮惡 猪胎甚難因

自察生長者 因彼常見佛

是時天子隨時壽長短生羅闥城中大長者家是時長者婦自知有身十月欲滿生一男兒端正無雙世之希有是時釋提桓因已知此兒向十歲數數往告汝可憶本所作緣本自言我當因彼見佛今正是時可見世尊若不往者後必有悔是時尊者舍利弗到時著衣持鉢入羅闥城乞食漸漸往至彼長者家在門外靜然而住爾時長者子見舍利弗著衣持鉢容貌殊特見已便往至舍利弗前而作是說汝今是誰爲誰弟子爲行何法舍利弗言我師出釋種於中出家學道師名如來

至真等正覺恒從彼受法是時小兒那向舍利弗而說此偈

尊今靜然立 持鉢容貌整 今欲求何等  
與誰在此住

是時舍利弗復以偈報曰

我今不求財 非食非服飾

卷四

故來爲汝故

善察聽我語

憶汝本所說

天上言誓時

人中當見佛

故來相告耳

諸佛出興難

說法亦復然

人身不可獲

亦如優曇華

汝今隨我來

但觀如來容

必當爲汝說

至要之善處

是時長者子聞舍利弗語已即往至父母所

頭面禮足在一面立是時長者子白父母言

唯願聽許至世尊所承事禮敬問訊康強父

母報曰今正是時長者子即集香華及好白

氍共尊者舍利弗相隨往至世尊所頭面禮

足在一面住爾時舍利弗白世尊言此長者

子居此羅閱城中不識三尊唯願世尊善與

說法令得度脫是時長者子邊見世尊威容端正諸根寂靜有三十二相八十種好莊嚴其身亦如須彌山出衆山上面如日月視之無狀前進禮足在一面住爾時長者子即以香華散如來上復以新白氍奉上如來頭面禮足在一面住是時世尊漸與說法所謂論者施論戒論生天之論欲爲不淨漏爲是大患出家爲要是時世尊已知小兒心開意解諸佛世尊常所說法苦集盡道是時世尊盡與彼長者子說是時長者子即於座上諸塵堵盡得法眼淨無復瑕穢是時長者子即從座起頭面禮足白世尊言唯願世尊聽受出家得作沙門世尊告曰夫爲道者不辭父母不得作沙門是時長者子白世尊言要當使父母聽許世尊告曰今正是時爾時長者子即從座起頭面禮足便退而去還至所在白父母言唯願聽許得作沙門父母報言我等今日唯有一子然家中生業饒財多寶行沙

門法甚爲不易長者子報言如來出世億劫乃有甚不可遇時時乃出耳亦如優曇鉢華時時乃有耳如來亦復如是億劫乃出耳是時長者子父母各共嘆息而作是言今正是時隨汝所宜是時長者子頭面禮足便辭而去往至世尊所頭面禮足在一面立爾時彼

馨四

十四

長者子白世尊言父母見聽唯願世尊聽使作道爾時世尊告舍利弗汝今度此長者子使作沙門舍利弗對曰如是世尊爾時舍利弗從佛受教度作沙彌日日教誨是時彼沙彌在閑靜處而自剋修所以族姓子出家學道剃除鬚髮修無上梵行者欲得離苦是時

苦者無我無我者是空空者非有非不有此智者所覺知此五盛陰無常苦空無我非有多諸苦惱不可療治恒在臭處不可久保悉觀無有我今日觀察此法便爲見如來已世尊告曰善哉善哉沙彌即聽汝爲大沙門爾時彼沙彌聞佛所說歡喜奉行

聞如是一時尊者那羅陀在波羅梨國長者竹林中爾時文茶王第一夫人而取命終甚愛敬念未曾去懷是時有一人至王所而白王言大王當知第一夫人今已命終是時王聞夫人無常即懷愁憂告來人曰汝速舉夫人死屍著麻油中使我見之是時彼人受王馨四

十五

沙彌即成阿羅漢往至世尊所頭面禮足白世尊言我今已見佛聞法都無有疑世尊告曰汝今云何見佛聞法而無狐疑沙彌白佛言色者無常無常者即是苦苦者是無我無我者即是空空者非有非不有亦復無我如是智者所覺知痛想行識無常無常者是苦

教命即往持夫人身著麻油中爾時王聞夫人逝世極懷愁惱不食不飲不治王法不理王事是時左右有一人名曰善念恒與大王執劍白大王曰大王當知此國界中有沙門名那羅陀得阿羅漢有大神足博識多知無事不練辯才勇慧語常含笑願王當往至彼

聽其說法若王聞法無復愁憂苦惱王報之曰善哉善哉善說此語汝今善念先往語彼沙門所以然者夫轉輪聖王欲有所至先當遣人不先遣信而至者此事不然時善念報曰如大王教即受王教往至長者竹園中至那羅陀所頭面禮足在一面立爾時善念白尊者那羅陀言尊當知之大王夫人今已命終緣此苦惱不食不飲亦復不治王法國事今欲來觀省尊顏唯願善與說法使王無復愁苦那羅陀報言欲來者今正是時是時善念已聞教令即頭面禮足便退而去往至王所面白王言已語沙門王宜知之是時即勑善念汝速嚴駕羽葆之車吾今欲往與沙門相見是時善念即嚴駕羽葆之車前白王言嚴駕已辦王知是時是時王乘羽葆之車出城詣那羅陀所步入長者竹園中夫人王法除五威容捨著一面至那羅陀所頭面禮足在一面坐是時那羅陀告王曰大王當知夢

幻之法起於愁憂泡沫之法及以雪揣而起愁憂亦復不可以華法之想起於愁憂所以然者今有五事最不可得是如來之所說也云何為五夫物應盡欲使不盡者此不可得夫物應滅欲使不滅者此不可得夫老之法欲使不老者此不可得復次病法欲使不病者此不可得復次死法欲使不死者此不可得是謂大王此有五事最不可得是如來之所說爾時那羅陀便說此偈

不以愁憂惱而獲其祐說有懷愁憂  
外境得其便若使有智者終不思惟是  
外敵便有愁而不得其便威儀禮節具

馨四

六

好施無惜心當求此方便使獲其大利設使不可得我及彼衆人無愁便無患又大王當知應失之物便失之已便愁憂苦惱痛不可言我所愛者今日已失是謂失物便失之於中起愁憂苦惱痛不可言是謂大

王第一愁刺染著心意凡夫之人有此法不知生老病死之所來處又復聞賢聖弟子所應失物便失之是時彼人不起愁憂苦惱常作是學我今所失非獨一已餘人亦有此法設我於中起愁憂者此非其宜或能使親族起愁憂怨家歡喜食不消化即當成病身體煩熱由此緣本便致命終爾時便能去憂畏之刺便脫生老病死無復灾患苦惱之法復次大王應老之物便老已老便愁憂苦惱痛不可言我所愛者今日已老是謂老物便老於中起憂愁苦惱痛不可言是謂大王第三愁憂之刺染著心意凡夫之人有此法不知生老病死之所來處又復聞賢聖弟子所應老物便老是時彼人不起愁憂苦惱常作是學我今所老非獨一已餘人亦有此法設我於中起愁憂者此非其宜或能使親族起憂怨家歡喜食不消化即當成病身體煩熱由此緣本便致命終爾時便能除去憂畏之刺脫生老病死無復灾患苦惱之法復次大王應病之物便病已病便愁憂苦惱病痛不可言我所愛者今日已病是謂病物便病於中起愁憂苦惱痛不可言是謂大王第四愁憂之刺染著心意凡夫之人有此法不知生老病死之所來處又復聞賢聖弟子所應病物便病是謂彼人不起愁憂苦惱常作是學我所

聲四

十七

病非獨一已餘人亦有此法設我於中起愁憂者此非其宜或能使親族起憂怨家歡喜食不消化即當成病身體煩熱由此緣本便致命終爾時便能除去愁畏之刺脫生老病死無復灾患苦惱之法復次大王應死之物便死已死是謂死物於中起愁憂苦惱痛不可言是謂大王第五愁憂之刺染著心意凡夫人有此法不知生老病死之所來處又復聞賢聖弟子所應死者便死是時彼人不起愛愁苦惱常作是學我今死者非獨一已餘人亦有此法我設於中起愁憂者此非其宜或能使親族起憂怨家歡喜食不消化即當成病身體煩熱由此緣本便致命終爾時便除去愁畏之刺脫生老病死無復灾患苦惱之法是時大王白尊者那羅陀曰此名何法當云何奉行那羅陀言此經名曰除憂之患當念奉行時王報言實如所說除去愁憂所必然者我聞此法已所有愁苦今日永除若

聲四

十八

尊者有所教勑者數至宮中當相供給使國土人民長受福無窮唯願尊者廣演此法永存於世使四部之衆長夜安隱我今自歸尊者那羅陀那羅陀曰大王莫自歸我當自歸於佛時王問今佛在何處那羅陀曰大王當知迦毗羅衛大國轉輪聖王種出於釋姓彼王有子名曰悉達出家學道今自致成佛號釋迦文當自歸彼大王復問今在何方去此幾所那羅陀曰如來已取涅槃太王曰如來取滅度何其速疾若當在世者經數千萬由旬當往觀者是時即從座起長跪叉手而作是說我自歸如來法及比丘僧盡形壽聽爲優婆塞不復殺生國事猥多今欲還宮那羅陀曰今正是時是時王從座起禮足遠三而去爾時文茶王聞那羅陀所說歡喜奉行聞如是一時佛在舍衛國祇樹給孤獨園爾時世尊告諸比丘疾病之人成就五法不得時差恒在床蓐云何爲五於時病人不擇飲

飲食不隨時而食不親近醫藥多憂喜瞋不起慈心向瞻病人是謂比丘疾病之人成就此五法不得時差若復病人成就五法便得時差云何爲五於是病人選擇而食隨時而食親近醫藥不懷愁憂咸起慈心向瞻病人是謂比丘病人成就此五法便得時差如是

聲四

十九

比丘前五法者當念捨離後五法者當共奉行如是比丘當作是學爾時諸比丘聞佛所說歡喜奉行

聞如是一時佛在舍衛國祇樹給孤獨園爾時世尊告諸比丘若瞻病人成就五法不得時差恒在床蓐云何爲五於是瞻病之人不別良藥懈怠無勇猛心常喜瞋恚亦好睡眠但貪食故瞻視病人不以法供養故亦不與病人語談往返是謂比丘若瞻病之人成就此五法者不得時差若復比丘瞻病之人成就五決使得時差不著牀蓐云何爲五於是瞻病之人分別良醫亦不懈怠先起後卧恒

善言談少於睡眠以法供養不貪飲食堪任與病人說法是謂比丘瞻病之人成就此五法者便得時差是故比丘若瞻病人時當捨前五法就後五法如是諸比丘當作是學爾時諸比丘聞佛所說歡喜奉行聞如是一時佛在毗舍離獮猴林中與大比丘衆五百人俱爾時師子大將便往至出尊所頭面禮足在一面坐爾時佛告師子云何師子家中恒布施平師子白佛言常於四城門外及都市隨時布施不令有缺須食給食衣裳華香車馬坐具隨彼所須皆令給與佛告師子善哉善哉乃能惠於不懷恪想施主檀越隨時惠施有五功德云何爲五於是檀越施主名聞四遠衆大歡譽某甲村落有檀越施主恒喜接納沙門婆羅門隨所給與不令有乏是謂師子檀越施主獲此第一之德復次師子檀越施主若至沙門刹利婆羅門長者衆中不懷慙愧亦無所畏猶如師子獸

王在羣鹿中亦無畏難是謂師子檀越施主獲此第二之德復次師子檀越施主衆人敬仰見者歡悅如子見父瞻視無厭是謂師子檀越施主獲此第三之德復次師子檀越施主命終之後當生二處或生天上或生人中在天爲天所敵在人爲人尊貴是謂師子檀

齋四九

意牢固諸善功德皆悉具足得三昧意亦不錯亂如實而知之云何如實而知苦諦如實而知苦集苦盡苦出要如實而知是故師子檀越施主當求方便隨時惠施若欲得聲聞道辟支佛道佛道皆悉如意如是師子當作是學爾時師子聞佛所說歡喜奉行

越施主獲此第四之德復次師子檀越施主智慧遠出衆人上現身盡漏不經後世是謂師子檀越施主獲此第五之德夫人惠施主此五德恒隨己身爾時世尊便說斯偈  
心常喜惠施 功德具足成 在衆無疑難亦復無所畏 智者當惠施 初無變悔心

齋四九

在三十三天 玉女而圍遶

所以爾者師子當知檀越施主生二善處現身盡漏至無爲處爾時世尊便說此偈  
施爲後世糧 要至究竟處 善神常將護亦復致歡喜

所以然者師子當知布施之時恒懷歡悅身

能勝施辯之時欲得無上正真之辯比丘當知檀越施主惠施之日有此五功德爾時世尊便說此偈  
施命色及安 力辯爲第五 五功德以備後受無窮福 智者當念施 除去貪欲心今身有名譽 生天亦復然

若有善男子善女人欲得五功德者當行此  
五事如是諸比丘當作是學爾時諸比丘聞  
佛所說歡喜奉行

聞如是一時佛在舍衛國祇樹給孤獨園爾

時世尊告諸比丘應時之施有五事云何爲  
五一者施遠來人二者施遠去人三者施病

人四者儉時施五者若初得新果蓏若穀食  
先施與持戒精進人然後自食是謂比丘應  
時施有此五事爾時世尊便說此偈

智者應時施

信心不斷絕

於此快受樂

生天衆德備隨時念惠施受福如響應  
求以無短乏

所生常富貴

施爲衆行具

得至無上位

億施不起想

歡喜遂增益

心中生此念

亂意求無餘

覺知身安樂

心便得解脫

是故有智人

不問男與女

當行此五施

無失方便宜

是故諸比丘若善男子善女人欲行此五事  
者當念隨時施如是諸比丘當作是學爾時

諸比丘聞佛所說歡喜奉行

善不善禮佛 天使歲五瑞 文茶觀瞻病

五施隨時施

廿二末

增壹阿含經卷第二十四

馨四

乳哺

下音步食

垢坌

下古八反

反戰掉

上之扇

反下徒

弔反

呻吟

申

眾

溺

下奴

腔牆

上舌

賈反穿坦也出攢箭

上自官也置也

轢

音晉車

聚剥

必角

反草櫛

應師音義云舍作貯盛

也一音落

處

尺下

反詰蹠籠也窓也

音蹠通嘵

音子委

喙

音卓鳥

觜也

也

姪洗

上余金反

跟脚

根筋

音斤

脉挽牽

音晚

鐵薄

下葉酸楚

上蘇官反

金

音父

鐫所壓

下古治反

兩邊

持也苑

紆院

反嘿默

二字宿

音惺

音汗

上音祥行止

度日萎鳥爲

反腋

音亦脇

音上也

違叛

音下也

上音居陵反

愍惻也恤也

譽

音余正

作泡

音上也

泡沫

上音未揣團

也揣也

猥多

上烏每反

也

也

也